

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM

*Zakonodavno-pravna komisija/
Zakonodavno-pravno povjerenstvo*

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ

Законодавно-правна комисија

Bosna i Hercegovina
Federacija Bosne i Hercegovine

PARLAMENT FEDERACIJE
SARAJEVO

Broj: 01/2-02-1598/26-2
Sarajevo, 28. 7. 2026. godine

**PREDSTAVNIČKOM DOMU
PARLAMENTA FEDERACIJE BiH**

Primljeno: 28-07-2026			
Org. jed.	Broj	Priloga	Vrijednost

Zakonodavno-pravna komisija Predstavničkog doma Parlamenta Federacije Bosne i Hercegovine (u daljnjem tekstu: Komisija) održala je 24. vanrednu sjednicu 28. 7. 2026. godine, kojoj je prisustvovalo sedam (7) članova Komisije. Prema jednoglasno utvrđenom dnevnom redu, Komisija je razmatrala:

1. Prijedlog Zakona o izmjenama i dopunama Zakona o pravima demobilisanih branilaca i članova njihovih porodica – hitni postupak,
2. Prijedlog Zakona o izmjenama i dopunama Zakona o finansijskoj konsolidaciji privrednih društava u Federaciji BiH – hitni postupak,
3. Prijedlog Odluke o davanju saglasnosti na Izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2026. godinu i Odluke o načinu izvršavanja Rebalansa finansijskog plana Zavoda zdravstvenog osiguranja i reosiguranja Federacije BiH za 2026. godinu – hitni postupak,
4. Zahtjev za ocjenu ustavnosti Zakona o postupku vanredne uprave u privrednom društvu Nova Željezara Zenica d.o.o. Zenica od posebnog sistemskog značaja za Federaciju BiH („Službene novine Federacije BiH“, broj: 45/26) dostavljen od Ustavnog suda Bosne i Hercegovine u predmetu broj U-14/26 od 7. 7. 2026. godine, koji je pokrenulo 30 zastupnika Narodne skupštine Republike Srpske,
5. Zahtjev za ocjenu ustavnosti Zakona o postupku vanredne uprave u privrednom društvu Nova Željezara Zenica d.o.o. Zenica od posebnog sistemskog značaja za Federaciju BiH („Službene novine Federacije BiH“, broj: 45/26) dostavljen od Ustavnog suda Bosne i Hercegovine u predmetu broj U-15/26 od 9. 7. 2026. godine, koji je pokrenuo Općinski sud u Zenici.

Na osnovu člana 44. stav 1. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 02/08, 26/20 i 13/24), Komisija Predstavničkom domu podnosi sljedeći

IZVJEŠTAJ

Ad-1

Prijedlog Zakona o izmjenama i dopunama Zakona o pravima demobilisanih branilaca i članova njihovih porodica – hitni postupak

Nakon rasprave, Komisija je jednoglasno donijela sljedeći

ZAKLJUČAK

Prijedlog Zakona o izmjenama i dopunama Zakona o pravima demobilisanih branilaca i članova njihovih porodica dostavljen je od ovlaštenog predlagača te ima ustavni i poslovnički osnov i kao takav se upućuje u daljnju zakonodavnu proceduru.

Ad-2

Prijedlog Zakona o izmjenama i dopunama Zakona o finansijskoj konsolidaciji privrednih društava u Federaciji BiH – hitni postupak

Nakon izlaganja predlagača Zakona Komisija je jednoglasno donijela sljedeći

ZAKLJUČAK

Prijedlog Zakona o izmjenama i dopunama Zakona o finansijskoj konsolidaciji privrednih društava u Federaciji BiH dostavljen je od ovlaštenog predlagača te ima ustavni i poslovnički osnov i kao takav se upućuje u daljnju zakonodavnu proceduru.

Ad-3

Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu i Odluke o načinu izvršavanja rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu - hitni postupak

Nakon izlaganja predstavnika predlagača Odluke, Komisija je jednoglasno donijela sljedeći

ZAKLJUČAK

Prijedlog Odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu i Odluke o načinu izvršavanja rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2026. godinu dostavljeni su od ovlaštenog predlagača te imaju ustavni i poslovnički osnov i kao takvi se upućuju u daljnju parlamentarnu proceduru.

Ad-4 i Ad-5

Zahtjev za ocjenu ustavnosti Zakona o postupku vanredne uprave u privrednom društvu Nova Željezara Zenica d.o.o. Zenica od posebnog sistemskog značaja za Federaciju BiH („Službene novine Federacije BiH“, broj: 45/26) dostavljen od Ustavnog suda Bosne i Hercegovine u predmetu broj U-14/26 od 7. 7. 2026. godine,

koji je pokrenulo 30 zastupnika Narodne skupštine Republike Srpske i Zahtjev za ocjenu ustavnosti Zakona o postupku vanredne uprave u privrednom društvu Nova Željezara Zenica d.o.o. Zenica od posebnog sistemskog značaja za Federaciju BiH („Službene novine Federacije BiH“, broj: 45/26) dostavljen od Ustavnog suda Bosne i Hercegovine u predmetu broj U-15/26 od 9. 7. 2026. godine, koji je pokrenuo Općinski sud u Zenici

Komisija je obavila zajedničku raspravu o tačkama 4. i 5. usvojenog dnevnog reda te konstatovala da se radi o zahtjevima za ocjenu ustavnosti Zakona o postupku vanredne uprave u privrednom društvu Nova Željezara Zenica d.o.o. Zenica od posebnog sistemskog značaja za Federaciju BiH koji je usvojen na 19. vanrednoj sjednici Predstavničkog doma Parlamenta Federacije BiH koja je održana 8. 6. 2026. godine i na 11. vanrednoj sjednici Doma naroda Parlamenta Federacije BiH, koja je održana 11. 6. 2026. godine.

Prema članu 244. Poslovnika Predstavničkog doma, prijedlog ovlaštenog predlagača za ocjenjivanje ustavnosti zakona predsjedavajući Predstavničkog doma upućuje nadležnom radnom tijelu Predstavničkog doma i Zakonodavno-pravnoj komisiji na razmatranje.

Komisija je konstatovala da su Ustavnom sudu Bosne i Hercegovine zahtjev za ocjenu ustavnosti podnijeli ovlašteni predlagači, i to 30 zastupnika Narodne skupštine Republike Srpske i Općinski sud u Zenici.

Nakon rasprave Komisija predlaže predsjedavajućem Predstavničkog doma da, prema članu 245. stav 3. Poslovnika Predstavničkog doma, Ustavnom sudu Bosne i Hercegovine dostavi cjelokupnu dokumentaciju od Vlade Federacije BiH i radnih tijela Predstavničkog doma i odredi predstavnika pred Ustavnim sudom.

Za izvjestioca u Predstavničkom domu određen je Belmin Zukan, predsjednik Komisije.

PREDSJEDNIK KOMISIJE

Belmin Zukan
